



Inatsisartuni ilaasortaq Sara Olsvig, Inuit Ataqtigiit
C/O Inatsisartut Allaffeqarfiat

**Reykjavíkimi Aleqa Hammondip tusagassiuutitut nalunaarutaata imaa pillugu
apeqqut nr. 204-miittunut akissutit**

Inatsisartut suleriaasianni § 37 naapertorlugu Naalakkersuisunut makkuninnga
apeqquteqarsimavutit:

- 1) *Ukioq manna oktoberip aqqaneq aappaanni Naalakkersuisut siulittaasuat Reykjavík-imi, Islandimiittumi, ataatsimeersuarnermi oqaaseqarpoq akuersaanngilluinnarnissamik politikkeqarnerup atorunnaarsinneqarneratigut, uranimik píaanermut tunisassiornermullu atatillugu, "...KALAALLIT NUNAAT SIUNISSAMI UNGASISSORSUUNNGITSUMI ANNERTOORUJUSSUARMIK URANIMIK AVAMMUT ANNISSUISINNAALISSASOQ – ILIMANARLUNI NUNARSUARMÍ ANNERSAASUT 10-IT AKORNANNIILISSASOQ IMALUUNNIIT URANIMIK AVAMMUT ANNISSUINERMI ANNERSAASUT 5-IT AKORNANNIILISSASOQ ILIMANARLUNI." Taamatut oqarnermi uraneqarfiit sopiaanuku Naalakkersuisut siulittaasuata pigai?*
- 2) *Taamatut oqaaseqarneq aatsitassarsiutileqatigiinnut ataatsinut (GME-kkunnut) namminneq oqarnerattut uranimik píaanissamut akuersissummik massakkut qinnuteqaateqangajalersaartunut Naalakkersuisut qanoq sunniuteqassangattippaat?*

Taamatut oqaaseqaateqarnerup GME-mut immikkut ittumik sunniuteqassanera
Naalakkersuisut naatsorsuutigingilaat.

- 3) *Kalaallit Nunaata nunatut uranimik tunisassiorlutut ingerlalersinnaanera pillugu taamatut oqaaseqarneq nunarsuarmi tunisassiorfiit paasinninnerannut Naalakkersuisut qanoq sunniuteqassangattippaat?*

Uranimik píaanissamik "akuersaanngilluinnarnerup" atorunnaarsinnissaa pillugu aalajangiussinissamik siunnersuutip siunertaa tassaavoq suliassaqarfimmi tassani isuman-naatsumik inuussutissarsiornikkut suliarisap isumannaarnissaanut piumasaqaatit malittarisassiallu aalajangersarnissaannut, kiisalu isumalluutinik pisariaqartitanik paasisarniarnermik suliaraqqinniarluni Inatsisartunit akuersissutisinnissaq.

Tamatuma kingornatigut atorunnaarsitsineq aatsitassarsiornermik suliniummot, aatsitassanut qaqutigoortunut uranip saniatigooralugu tunisassiarineqarfianut aqutissi-
uusseqataassaaq.

- 4) *Naalakkersuisut uppernarsarsinnaavaat aatsitassat qinngornernik ulorianartunik akullit pillugit akuersaanngilluinnarnissamik politikkeqarnerup*

04-11-2013
Sags nr. 2013-091836
Dok. nr. 1382970

Postboks 1340
3900 Nuuk
Tlf. (+299) 34 50 00
Fax (+299) 32 93 98
E-mail: nap@nanaoq.gl
www.naalakkersuisut.gl

*atorunnaarsinneqarnissaa aalajangiunneqarpat imaalissanersoq
Naalakkersuisut uranimik aatsitassanillu allanik qinngornernik ulorianartunik
akulinnik piiaanissamut qinnuteqaatinik akuersissutinik tunniussisalernissamut
piginnaatitaalissanersut – aappi naaggaluunniit?*

Uranimik piiaanissamik akuersaanngilluinnarneq atorunnaarsissasoq aalajangiunneqassappat malittarisassiat ingerlattaqassallu ilusilersornissaannik suliaq annertoq ingerlanneqartariaqassaaq, taamaalilluni urani isumannaatsumik suliarineqarfiulersillugulu nunani tamalaani isumaqatigiissutinik tamanik, uranip taamaallaat sorsunnerunngitsumik siunertanut atorneqarnissaanik isumannaarsiunik naapertuuttumik.

Aatsaat ingerlassaq tamanna naammassippat uranip atornissaa avammullu tunisaanis-saa pillugu qinnuteqaatit tigussaasut isummerfigineqarsinnaalissapput.

Tamatuma kingornatigut aatsitassanut inatsimmi aalajangersakkat naapertorlugit uranimik piiaanissamut akuersissuteqartoqassanera pillugu Naalakkersuisut aalajangiisus-saassapput.

- 5) *Naalakkersuisut uppernarsarsinnaavaat akuersaanngilluinnarnissamik politik-keqarnerup atorunnaarsinneqarnissaa ima aamma isumaqalissammat nunatut uranimik avammut tunisassiortutut inissimalernissaq pillugu Kalaallit Nunaat pisortatigoortumik naalakkersuinikkut isummersimasoq – aappi naaggaluunniit? Uranimik piiaanissamik "akuersaanngilluinnarnerup" atorunnaarsinnissaanik Inatsisartut aalajangiissappata Kalaallit Nunaata ungasissoq isigalugu nunatut uranimik avammut tunisassiortunngorsinnaanissaanik nassataqassaaq.*
- 6) *Islandimi oqalugiarnarup unnukkuani Naalakkersuisut siulittaasuat "erseqqissaat"-mik taasamik oqaaseqarpoq. Tassani Naalakkersuisut siulit-taasuata erseqqissarpaa saniatigooralugu pissarsiassatut uranimik piiaanissaq pineqartoq. Siusinnerusukkut apeqquteqaatitsinnut aatsitassarsiorfiup piunerani saniatigooralugu pissarsiarineqartup pingaarnertut pissarsiarineqalersinnaanngorneranut tunngatillugu (§ 37 nr. 118 aamma 176) akissuteqarnikuunersi eqqarsaatigalugu paaserusunnarpoq apeqqut tamanna pillugu Naalakkersuisut isumartik allanngortissimaneraat?*

Naagga.

Inussiarnersumik inuulluaqquusillunga


Aleqa Hammond